

բայց ապարդիւն: Փառասիրութիւնը կուրացըրել էր նրան:

Լինելով Երուսաղէմի պատրիարքութեան փոխանորդն ու գործակալը, Եղիազարը որոշ դիրքի հետ միասին, իր տրամադրութեան տակ ունէր նաեւ յիշեալ վանքի ամբողջ հարստութիւնը՝ իր նպատակին հասնելու համար: Ուստի առնելով իր հետ «առատ ընծաներ» ուղեւորւում է Պոլիս եւ կաշառելով եպարքոս Քեօփրիւլի Օղլու Ահմէտ փաշային, ստանում է նրա հրամանը՝ ամբողջ Տաճկաստանի հայութեան վրայ կաթողիկոսանալու: Սաի Խաչատուր կաթողիկոսն էլ, համամիտ լինելով, Հալէպում նրան ձեռնադրում է կաթողիկոս:

Պառակտումն արդէն սկսւում էր: Այդպիսով ո՛չ միայն ամբողջ հայութիւնը բաժանւում էր երկու հատուածի — պարսկահայ եւ տաճկահայ, այլ եւ ինքը տաճկահայութիւնը բաժանուեց երկու հակառակ բանակի եւ սկսեց պայքարել իրար դէմ — Էջմիածնականներ եւ Երուսաղէմականներ, կամ Յակովբեաններ (Ջուղայեցու անունով) եւ Եղիազարեաններ: Տաճկահայերից շատերը, մասնաւորապէս զիտակից տարրը, ազգի եւ աթոռի միութիւնը ամէն բանից թանկ դասելով, ժխտում էին Եղիազարի կաթողիկոսութիւնը եւ ջերմ կողմնակից էին Ջուղայեցուն: Բայց քիչ չէին եւ Եղիազարի բարեկամները, մանաւանդ որ նա իր անդրանիկ կոնգակով խոստանում էր ժողովրդին «առնել բազում բարիս եւ ըստ ժամանակին առաքել ի ձեռն նուիրակաց զմիւսոնն ձրի՝ առանց իրիք նուիրաց եւ տրոց» (Չամչեան, Գ. եր. 670):

Երեւակայո՞ւմ էք դուք, թէ այս բոլորը ինչպէս պիտի ազդէին ծերունի հայրապետի վրայ, որի համար — ինչպէս ասացինք — ազգի խաղաղութիւնը եւ Էջմիածնի աթոռի միութիւնը բարձր էին ամէն բանից:

Ու նա հանդիսւոր կորցրած՝ բազմաթիւ դիմումներ է անում, նամակներ է դրում ամէն կողմ, յորդորելով ամէնքին զգուշանալ պառակտումից եւ «Լուսաւորչի աթոռը բաժանելուց, որը կը լինի դաշխակոյթիւն շատերին եւ վնաս ազդին»: Անդամ Եղիազարի մօտ էլ մարդ է ուղարկում, «զգօնամիտ եւ իմաստուն» Յովհաննէս վարդ. Արքեպիսկոպոսն նրան

զգաստութեան հրաւիրելու համար, սակայն ապարդիւն...

Գնալով խոռվութիւնն աճում էր Հայոց մէջ, մանաւանդ Կ. Պոլսում: Ուրիշ հնար չգտնելով վերացուած խաղաղութիւնը վերահաստատելու տաճկահայոց մէջ, ծերունի կաթողիկոսը որոշում է անձամբ գնալ Պոլիս կամ Երուսաղէմ, յանձն առնելով ճանապարհի բոլոր նեղութիւններն ու նիւթական հսկայ ծախսերը:

Բայց դժբախտաբար, Եղիազարին նա երբեք չհանդիպեց ոչ Երուսաղէմում, ոչ էլ Կ. Պոլսում: Երբ կաթողիկոսը Երուսաղէմում էր, Եղիազարն այնտեղ չէր, Պոլսում էր. իսկ երբ կաթողիկոսը Երուսաղէմից ճանապարհ ընկաւ դէպի Պոլիս, հէնց Պոլիս հասնելու օրը Եղիազարն էլ Պոլսից նաեւ նստեց եւ մեկինեց դէպի Երուսաղէմ:

Պոլսում Ջուղայեցուն այցելութեան եկան բոլոր նշանաւոր ազգայինները: Նրանցից ոմանք — ինչպէս օրինակ Ապրօ եւ Երեմիա Զէլչպիններ — Եղիազարի կաթողիկոսութեանը կողմնակից լինելով, սկսեցին համոզել Ջուղայեցուն, որ սա հաշտուի Եղիազարի կաթողիկոսութեան հետ, խոստանալով հաւատարիմ մնալ Էջմիածնին եւ «չօտարանալ Յակովբի սիրուց»: Իսկ Ջուղայեցին դեղեցիկ կերպով նրանց համոզում է, որ եթէ ինքը դէմ է Եղիազարի կաթողիկոսութեան, իր մէջ խօսողն անձնական շահը չէ եւ ոչ էլ իշխանասիրութիւնը, մանաւանդ որ ինքը արդէն ծերացած լինելով, բոլորովին իրեն փոյթ չէ՝ «չատերի՞ վրայ կ'իշխի, թէ քչերի», այլ որ կաթողիկոսութեան պառակտումը «անհնարին վնաս է ազգի համար»: «Եթէ երկու աթոռից — ահնարկում է Էջմիածնի եւ Սաի աթոռները. Ի. — ազգն այնքան տուժեց, երեք աթոռից կոխն ու վէճը այլ եւս վերջ չպիտի ունենան» — աւելացնում է նա:

Եւ կաթողիկոսի պատճառարանութիւնից համոզուելով, մանաւանդ տեսնելով «զբաղըք բարս եւ դառաքինազարդ քաղաքապարտութիւնն նորա, որում չէին այնչափ տեղեակ յառաջընմէ», Եղիազարի բարեկամներից շատերն անցան Ջուղայեցու կողմը, խոստանալով նրան իրենց նիւթական ու բարոյական աջակցութիւն